



VÁLGA

INFORMASJON/
DIEHTON

Suohkanstivrra- ja fylkadiggeválgga 2011

Ájnas diedo dunji guhti ájgo jienastit



Válggabiejvve le ragátmáno 12. bieje. Mujte duodastusáv!

Julevsámegiella | Lulesamisk



KOMMUNAL- OG REGIONALDEPARTEMENTET

Suohkanstivrra- ja fylkadiiggeválgga 2011

Suohkanstivrra le suohkana alemus orgádna. Danna gájkbadjásasj mærrádusá mierreduvvi bájkálasj ássijn degu mánárgárdde, mánájsuodjalibme, vuodoskávlá, varresvuoda- ja huksodievnastusá, kulturdájma ja renovasjávnná.

Fylkadiigge le fylkasuohkana alemus orgádna. Fylkadiigge gájkbadjásasj mærrádusájt mierret duola dagu joarkkaáhpadusá hárráj, fylkarahtij ja færjjomannulagáj, bájkálasj kollektivajáhtulagá ja kulturdájmaj hárráj.

Oslon le stádaguovlloválgga, valla ij fylkadiiggeválgga.

Bájkálasj ássje vájkkudahtti ienemusát duv árggabiejvev. Gá jienasta, de le siegen mierredime guhti duv ja duv berustimijt galggá ávdástit.

Dán brosjjran oattjo diedojt gáktu dagá gá galga jienastit.

Válggabiejve le mánnodagá ragátmáno 12. bieje 2011

Moatten suohkanin máhtá aj jienasti sádnábieje ragátmáno 11. bieje. Suohkana ietja diededi jus le máhttelis jienastit avta jali guovte bieje birán.

Mujte duodastusáv gá jienasta!

Válggaláhka gájbbet duodastusáv jienastiddjes gev e dábdá. Duodastus máhtá liehket pássa, vuodjemkártá jali bánkakártá aktajn gáváj, valla ietjá duodastus aj dáhkki. Duodastusán galggá gávnnut jienastiddje namma, riegádimbiejve ja gávva.

Jus le institusjávnajn árromin duola dagu skihppijsidan, skihppijvieson jali giddagisán, máhtá institusjávna bargge oadtjot identitehtat duodastittjat.

Divna jienastiddje oadtju jienastimkártáv

Jienastimkártán gávna diedojt gánná ja goassa máhtá jienastit válggabiejve. Jienastimkártáv galla i dárba gá jienasta, valla diedoj hárráj le dat ávkálasj. Jienastimkártá ij dáhkkiduvá duodastussan.

Guhti máhtta jienastit?

- Vuona stáhtaviesáda gudi li állim18 jage 2011 jage birán ja gudi li, jali li læhkám tjáledum árron Vuonan.
- Nuorttarijka stáhtaviesáda gudi li állim18 jage 2011 jage birán, ja gudi li læhkám tjáledum árron Vuonan manemusát biehtsemáno 30. biejeve jagen 2011.
- Ietjá álggorijkak stáhtaviesáda gudi li állim18 jage 2011 jage birán, ja gudi li læhkám tjáledum árron avtatrajes Vuonarijkan gálmma manemus jage ávddála válggabiejeve.

Goassa ja gánná máhtá jienastit?

Válggabiejeve jienasta suohkanin gánná le tjáledum árron biehtsemáno 30. biejeve 2011. Máhtá jienastit akta makkir válgghuodnahin suohkanin. Gehtja gáváv nuppe bielen gáktu válggabiejeve jienasta.

Árabut jienastit máhtá gitta ragátmáno 9. bæjvváj makkir suohkanin sidá. Dalloj jienasta unnin ietjá láhkáj gá válggabiejeve.

Dán láhkáj árabut jienasta:

- a) Válggadajmadiddje vaddá dunji jienastimisstakonvoluhtav ja vuoset duv muhtem jienestimmásskusij.
- b) Válde jienastimlistav: avtat suohkanstivrraválggaj ja avtav fylkadiggeválggaj.
- c) Dagá rievddadimijjt jienastimlistan jus sidá.
- d) Bieja jienastimlistav konvoluhttaj. Maná válggadajmadiddje lusi gut biedjá jienastimisstakonvoluhtav ja jienastimkártáv avta konvoluhttaj, ja nav de jienastimlihhtáj luojteduvvá. Duv jienastibme sáddiduvvá ietjat sijddasuohkanij gánná lágáduvvá. Jienastimlista e galga stiepmelduvvat gá árabut jienasta.

Jus sijddasuohkana álggolin jienasta, de hættu adnet dábálasj jienastimlistav majt dannák oattjo, jali iesj buktet jienastimlistav ietjat suohkanis. Dan dábálasj jienastimlistan ælla kandidáhtaj namá oajvvaduvvam, dássju belludaknamma. Jus ájgo jienastit vissa kandidáhtaj, de viertti iesj áttjudit jienastimlistav ietjat suohkanis. Sæmmi le aj jus jienasta fylka álggolin.

Jus le skibás jali sáhtus, de máhtá suohkanis áhtsát vaj besa sijdan árabut jienastit.

Suohkan diedet goassa ja gánná jienastit máhtá.


Gåktu jienasta válggabieje?



1) Válde jienastimlistajt majt ájgo adnet: avtav suohkastivrraválggaj ja avtav fylkadiggeválggaj.




2) Dagá rievddadimijt jienastimlistajn jus sidá (gehtja bagádusáv nuppe bielen).



3) Máhtsasta jienastimlistajt belludaknamájn sisi ja bielev gággu stiepmelt álgus - de ij aktak vuojne majt jienasta. Ij galga adnet konvoluhtav jalik makkirak ietjá gurjov jienastimlistaj birra.



4) Maná válggadajmadiddje lusi ja stiepmeldahte jienastimlistajt álgolt. Goappátja jienastimlista vierttiji stiepmelduvvat vaj dâhkkiduvvi!



5) Bieja dajt stiepmeldum jienastimlistajt jienastimlihttáj

Gåktu jienastimlistav rievddada?

Jus sidá vâjkkuadahttet guhtimuttja kandidáhtajs válljiduvvi, de viertti duoddejenav kandidáhtajda vaddet. Ietjat duogen le jus sidá jienastimlistav rievddadit duoddejenaj baktu.

Dán láhkáj vattá duoddejenav:



Suohkanstivrraválgan:

- Bieja ruossav ruktuj dan kandidáhta namá guorraj gev jienasta. Máhtá vaddet duoddejenav man moaddásijda sidá.



- Tjále kandidáhtaj namájt ietjá belludagájs/juohkusijs sierra sadjá jienastimlistan. Jienastimlistan tjuodtju gallásav máhtá tjálllet.

Jus vattá duoddejenav muhtem kandidáhttaj ietjá belludagájs/juohkusijs, de muhtem oasse duv jienastimes sirdeduvvá dan belludahkaj/juohkusij. Árvvo jienastimes dan belludahkaj/juohkusij majt jienasta binnu sæmme álov.



Fylkadiggeválgan:

- Bieja ruossav ruktuj dan kandidáhta namá guorraj gev jienasta. Máhtá vaddet duoddejenav man moaddásijda sidá.

Ale balá rievddadimes. Gåktu dagá vuojná jienastimlistan. Jienastibme ij hilgoduvá vâjku boasstot dagá!

Guhti válljiduvvá?


Vuostak mierret válggastivrra gallásav juohkka belludahka jali juogos oadtju suohkanstivrraj jali fylkadiggáj. Dan manjela láhká válggastivrra jienajt ja gávnat gudi válljiduvvi duot dát belludagás jali juohkuis.

Guokta gæhttjalime jagen 2011

20 suohkanijn máhtti 16- ja 17-jagága jienastit suohkanstivrraválgan.

10 suohkanin máhtti jienastiddje Internehta baktu jienastit suohkanstivrraválgan ja fylkadiggeválgan.

lenep diedojt gávna jus gehtja www.valg.no



Almoduvvam jagen 2011 Suohkan- ja guovllodepartementas

Publikasjávnná le járggáluvvam lágev vieresgiellaj, gehtja www.valg.no

Publikasjávnnánummar: H-2257 Julevsámeigiella | Lulesamisk

Jus dárbaaha ienep dieđojt válga birra, de gehtja **www.valg.no** jali guládalá suohkaniijn.